



Passapei Center Fontauna - Via Prau

Credit per la cumpletaziun dil passapei

M E S S A D I


dalla suprastanza communal a cussegl da vischnaunca

Stimau signur president
Preziadas signuras cusseglieras
Preziai signurs cussegliers

Il passapei actual per liung dalla Via Alpsu e dil Center Fontauna vegn tangaus entras l'adattaziun dall'entrada nova dil Center Fontauna (CF) sco era dalla caffetteria. Il passapei finescha sin l'altezia dalla sbuccada dil Hotel Acla da Fontauna.

Cunquei ch'ins astga supponer ch'il Hotel Acla da Fontauna vegni realisau naven digl onn 2023 sco stau lubiu, fa ei senn da ponderar ina prolungaziun dil passapei davart dil Center Fontauna entochen tier la Via Prau che meina alla staziun dalla viafier MGB. In'eventuala cumbinaziun dil passapei cun ina fermada pil bus tenor la lescha da persunas cun impediments fuss medemamein pusseivla. El credit pil passapei ein cunteni negins cuosts per fermadas. Eventuals cuosts che savessen seresultar da quell'investiziun supplementara vegnessen susteni entras il cantun Grischun a norma dalla lescha cantunala da vias e dalla lescha davart il traffic public.

Project Center Fontauna cun mirs e part dil passapei




La sdrema da pedunzs previda tenor il plan dil CF vegn per prevegnir a conflicts cun la sbuccada dil Hotel Acla da Fontauna a stuer vegnir adattada. Ulteriuramein ei quella da coordinar cun la partiziun tecnica da traffic dalla polizia cantunala.

1. Project passapei

A caschun dalla sanaziun dil Center Fontauna vegn il passapei existent prolungius per rodund 20 m. Quei succeda en connex cun la construcziun d'in niev mir e la rampa neu dall'ustria enviers la piazza da giug. Quei niev tschancun sbucca el verd resp. ella senda tier la piazza da minigolf. Per garantir ina directa colligaziun dil traffic da pedunzs cun la staziun MGB Acla da Fontauna duei la prolungaziun dil passapei vegnir realisada. La construcziun corrispunda allas pretensiuns digl uffeci da construcziun bassa dil cantun Grischun. Il passapei vegn spartius cun in crap dad ur RN15 cun in pass (Anschlag) da 12 cm. La pendenza transversala dil passapei meina encunter la parcella dil CF. Cheutras succeda la deflussiun a moda naturala sur la scarpa.

El medem mument vegn la colligaziun dalla Repower AG pil CF piazzada enteifer il passapei. Il passapei ha ina lunghezza da rodund 90 m ed ina ladezia dad 1.8 m. Ina cuvrada da catram procura pil confort usitau.

Preproject passapei



2. Cuosts

Ils cuosts per la cumpletaziun dil passapei ein calculai sco suonda:

Cuosts da baghegiar	frs.	105'000.00
Cuosts illuminaziun	frs.	10'000.00
Planisaziun, cuosts accessoris	frs.	10'000.00
Nunpreviu	frs.	5'000.00
Total	frs.	130'000.00

3. Ponderaziuns finalas

La prolungaziun da quei passapei agl access dalla staziun MGB Acla da Fontauna porscha en vesta allas aultas frequenzas entuorn ils gronds implonts dil Center Fontauna, Catrina Resort, Pendicularas ed il planisau Hotel Acla da Fontauna ina gronda plivalur sco era la segirtad necessaria pils pedunzs e quei da stad ed unviern. Il passapei ei tochen il davos ina part dil puzzle dil traffic public entuorn il niev CF sco er il niev Hotel Acla da Fontauna.

4. Proposta

Sin fundament dallas ponderaziuns suramenziunadas

propo na

la suprastonza communal al cussegl da vischnaunca da:

- conceder in credit da frs. 130'000.-- per la realisaziun dalla colligiazion passapei Center Fontauna – Via Prau resp. staziun MGB Acla da Fontauna.

Suprastonza communal Disentis/Mustér
Il president: Il canzlist:


René Epp


Andri Hendry

Disentis/Mustér, ils 12 d'october 2022